



Na osnovu člana 2. Odluke o davanju saglasnosti Zavodu za izgradnju Kantona Sarajevo za pokretanje postupka otpisa zakonskih zateznih kamata uz obavezu izmirenja glavnog duga i troškova sudskog postupka (Službene novine Kantona Sarajevo broj 13/25), direktor Zavoda za izgradnju Kantona Sarajevo raspisuje:

JAVNI POZIV

za iskazivanje interesa za izmirenje glavnog duga i troškova sudskog postupka u cjelosti uz otpis zakonskih zateznih kamata

I

Zavod za izgradnju Kantona Sarajevo poziva fizička i pravna lica, koja imaju neizmirena dugovanja prema Zavodu za izgradnju Kantona Sarajevo da se prijave za izmirenje glavnog duga i troškova sudskog postupka u cjelosti , uz otpis zakonskih zateznih kamata po pravomoćnim sudskim odlukama i parničnim postupcima koji su u toku.

Javni poziv za izmirenje glavnog duga i troškova sudskog postupka uz otpis zakonskih zateznih kamata se odnosi na sva dospjela novčana potraživanja Zavoda za izgradnju Kantona Sarajevo prema dužnicima po svim osnovama.

Ovaj Javni poziv ostaje otvoren 30 dana od dana objavljivanja u dnevnim novinama , a objavit će se istovremeno na web stranici Zavoda za izgradnju Kantona Sarajevo , kao i na oglasnoj ploči.

Prijave se podnose u pisanoj formi, uz koju su dužnici obavezni priložiti i ovjerenu izjavu da su u roku od 45 dana od okončanja javnog poziva spremni zaključiti Sporazum o izmirenju glavnog duga i troškova sudskog postupka sa Zavodom za izgradnju Kantona Sarajevo , uz otpis zakonskih zateznih kamata , te dostaviti dokaz o izvršenoj uplati u propisanom roku.

Prijavu za otpis zakonskih zateznih kamata po pravomoćnim sudskim odlukama mogu podnijeti i sva pravna i fizička lica koja su prije objave Javnog poziva izvršila potpunu ili djelimičnu uplatu glavnog duga , kao i dijela dosuđenih kamata sa troškovima sudskog postupka.

II

Dužnici koji se blagovremeno prijave na ovaj Javni poziv obavezni su najkasnije u roku od 30 dana od zaključenja Sporazuma o izmirenju glavnog duga i troškova sudskog postupka uz otpis zakonskih zateznih kamata izvršiti uplatu glavnog duga , kao i troškova sudskog postupka u cjelosti , te dostaviti dokaze o tome nadležnom Sektoru u Zavodu za izgradnju Kantona Sarajevo.

III

Nakon zaključenja Sporazuma o izmirenju glavnog duga i troškova sudskog postupka uz otpis zakonskih zateznih kamata i ispunjenja obaveza definisanih istim, Zavod za izgradnju Kantona Sarajevo će poduzeti sve potrebne pravne radnje radi obustavljanja parničnih, odnosno izvršnih postupaka pokrenutih kod nadležnih sudova radi izmirenja dospjelih potraživanja .

Prema dužnicima koji ne ispune obaveze iz Sporazuma, kao i dužnicima koji se ne prijave na Javni poziv, pokrenuti postupci kod nadležnih sudova se nastavljaju prema odredbama parničnog i izvršnog postupka.

IV

Zainteresovana fizička i pravna lica potrebno je da dostave prijavu na ovaj Javni poziv sa ovjerenom izjavom iz tačke I istog, te podacima o identitetu (kopija lične karte za fizička, izvod iz sudskog registra za pravna lica) u zatvorenoj koverti na protokol Zavoda za izgradnju Kantona Sarajevo ili preporučenom pošiljkom putem pošte, na adresu :

Zavod za izgradnju Kantona Sarajevo

Ul. Kaptol br. 3,

71 000 Sarajevo , sa obaveznom naznakom „ Za Sektor za imovinsko – pravne poslove i registar po Javnom pozivu za otpis zakonskih zateznih kamata „

Na poledini zatvorene koverta obavezno je navesti naziv podnosioca prijave, adresu i kontakt telefon.

V

Zavod za izgradnju Kantona Sarajevo ne snosi eventualne troškove podnosioca prijave po ovom Javnom pozivu , a dostavljena dokumentacija se ne vraća.

Neblagovremene i nepotpune prijave se neće razmatrati.

D i r e k t o r

Belma Barlov, dipl. ing. arh.